



官常典第五百八十六卷

節使部藝文二

詩

出藩曲

齊謝朓

雲掖紫微內分組承明阿飛艤遡極浦旌節去關河渺渺蒼山色沉沉寒水波饒音巴渝曲簫鼓盛  
唐歌夫君邁惟德江漢仰清和

送張建封還鎮

唐德宗

牧守寄所重才賢生爲時宣風自淮甸授鉞膺藩維入覲展遐戀臨軒慰來思忠誠在方寸感激陳  
情詞報國爾所尙恤人予是資歡宴不盡懷車馬當還期穀雨將應候行春猶未遲勿以千里遙而  
云無已知

和李大夫嗣真奉使存撫河東

杜審言

六位乾坤動三微曆數遷謳歌移火德圖讖在金天子月開階統房星受命年禎符龍馬出寶錄鳳  
凰傳地卽交風雨都仍卜澗瀍明堂唯御極清廟乃尊先不宰神功運無爲大象懸八荒平物土四

海接人煙已屬羣生泰猶言至道偏璽書傍問俗旌節近推賢秩比司空位官臨御史員雄詞執刀  
筆直諫罷樓船國有大臣器朝加小會筵將行備禮樂送別仰神仙城闕周京轉關河陝服連稍觀  
汾水曲俄指絳臺前姑射聊長望平陽遂宛然舜耕餘草木禹鑿舊山川昔出諸侯上無何霸業全  
中軍歸戰敵外府絕兵權隱隱帝鄉遠瞻瞻肅命虔西河偃風俗東壁掛星躔井邑粉榆社陵園松  
柏田榮光晴掩代佳氣曉侵燕雨霑鴻私滌風行睿旨宣憚嫠訪疾苦屠釣採貞堅人樂逢刑措時  
康洽賞延賜踰秦氏級恩倍漢家錢擁傳咸翹首稱觴競比肩拜迎彌道路舞詠溢郊鄴殺氣西衡  
白窮陰北溟玄飛霜遙渡海殘月迴臨邊邇朝廷問周流朔塞旋興來探馬策俊發抱龍泉學總  
八千卷文傾三百篇澄清得使者作頌有人焉莫以崇班閼而云勝託捐倖材何磊落陋質幾翩翾  
江海寧爲讓巴渝轉自牽一聞歌聖道助曲荷陶甄

獻淮寧節度李相公

劉長卿

建牙吹角不聞諠三十登壇衆所尊家散萬金酬士死身留一劍答君恩漁陽老將多回席魯國書  
生半在門白馬翩翩春草綠邵陵西去獵平原

送李中丞歸漢陽別業

前人

流落征南將曾驅十萬師  
罷歸無舊業老去戀明時  
獨立三邊靜輕身一劍知  
茫茫江漢上日暮欲何之

中丞宋公以吳兵三千赴河南軍次潯陽脫余之囚參謀幕府因贈之

李白

獨坐清天下專征出海隅  
九江皆渡虎三郡盡還珠  
組練明秋浦樓船入郢都  
風高初選將月滿欲平胡  
殺氣橫千里軍聲動九區  
白猿慙劍術黃石借兵符  
戎寇行當剪鯨鯢立可誅  
自憐非劇孟何以佐良圖

送嚴黃門拜御史大夫再鎮蜀川兼覲省

岑參

授鉞辭金殿乘驄戀玉墀  
登壇漢主用講德蜀人思  
副相韓安國黃門向子期  
刀州重入夢劍閣再題辭  
春草連青綬晴花間赤旗  
山鶯朝送酒江月夜供詩  
許國分憂日榮親色養時  
蒼生望已久來去不應遲

九日使君席奉餞衛中丞赴長水

前人

古今圖書集成  
節使橫行西出師鳴弓擐甲羽林兒臺上霜威凌草木軍中殺氣傍旌旗預知漢將宣威日正是邊  
塵欲滅時爲報使君多泛菊更將絃管醉東籬

奉和杜相公初發京城作

前人

按節辭黃閣登壇戀赤墀銜恩期報主授律遠行師野鵲迎金印郊雲拂畫旗叨陪幕中客敢和出  
車詩

奉送李太保兼御史大夫充渭北節度使

前人

詔出未央宮登壇近總戎上公周太保副相漢司空弓抱關西月旗翻渭北風弟兄皆許國天地荷  
成功

奉和杜相公發益昌

前人

相國臨戎別帝京擁麾持節遠橫行朝登劍閣雲隨馬夜渡巴江雨洗兵山花萬朶迎征蓋川柳千  
條拂去旌暫到蜀城應計日須知明主待持衡

送郭僕射節制劍南

前人

鐵馬環紅纓幡旗出禁城明王親授鉞丞相欲專征玉饌天廚送金杯御酒傾劍門乘險過關道踏  
空行山鳥驚吹笛江猿看洗兵曉雲隨去陣夜月逐行營南仲今時往西戎計日平將心感知己萬  
里寄懸旌

送柴司戶充劉卿判官之嶺外

高適

嶺外資雄鎮朝端寵節旄月卿臨幕府星使出詞曹海對羊城闊山連象郡高風霜驅瘴癘忠信涉  
波濤別恨隨流水交情脫寶刀有才無不適行矣莫徒勞

奉送卿二翁統節度鎮軍還江陵

杜甫

火旗還錦纜白馬出江城嘹唳鳴笳發蕭條別浦清寒空巫峽曙落日渭陽情留滯嗟衰疾何時見  
息兵

奉送韋中丞之晉赴湖南

前人

寵渥徵黃漸權宜借寇頻湖南安背水峽內憶行春王室仍多故蒼生倚大臣還將徐孺榻處處待  
高人

衡州送李大夫七丈勉赴廣州

前人

斧鉞下青冥樓船過洞庭北風隨爽氣南斗避文星日月籠中鳥乾坤水上萍王孫丈人行垂老見飄零

奉寄高常侍

前人

汶上相逢年頗多飛騰無那故人何總戎楚蜀應全未方駕曹劉不啻過今日朝廷須汲黯中原將帥憶廉頗天涯春色催遲暮別淚遙添錦水波

奉寄章十侍御

前人

淮海維揚一俊人金章紫綬照青春指麾能事迴天地訓練強兵動鬼神湘西不得歸關羽河內猶宜借寇恂朝覲從容問幽側勿云江漢有垂綸

嚴中丞枉駕見過

前人

自注云嚴自東川除西川勅令兩川都節制

元戎小隊出郊坰問柳尋花到野亭川合東西瞻使節地分南北任浮萍扁舟不獨如張翰皂帽應

兼似管窰寂寞江天雲霧裏何人道有少微星

奉和嚴中丞西城晚眺十韻

前人

汲黯匡君切廉頗出將頻直辭才不世雄略動如神政簡移風速詩清立意新層城臨媚景絕域望餘春旗尾蛟龍會樓頭燕雀馴地平江動蜀天闊樹浮秦帝念深分閫軍須遠算縉花羅封蛺蝶瑞錦送麒麟辭第輸高義觀圖憶古人征南多興緒事業闔相親

警急

前人

自注云時高適領西川節度使

才名舊楚將妙略擁兵機玉壘雖傳檄松州會解圍和親知計拙公主漫無歸青海今誰得西戎實飽飛

投哥舒開府翰二十韻

前人

今代麒麟閣何人第一功君王自神武駕馭必英雄開府當朝傑論兵邁古風先鋒百勝在略地兩隅空青海無傳箭天山早挂弓廉頗仍走敵魏絳已和戎每惜河湟棄新兼節制通智謀垂睿想出

入冠諸公日月低秦樹乾坤繞漢宮胡人愁逐北宛馬又從東受命邊沙遠歸來御席同軒墀曾寵  
鶴畋獵舊非熊茅土加名數山河誓始終策行遺戰伐契合動昭融勲業青冥上交親氣槩中未爲  
珠履客已見白頭翁壯節初題柱生涯獨轉蓬幾年春草歇今日暮途窮軍事留孫楚行間識呂蒙  
防身一長劍將欲倚崆峒

奉送郭中丞兼太僕卿充隴右節度使三十韻

前人

詔發山西將秋屯隴右兵淒涼餘部曲燁莽舊家聲鵬鶚乘時去驂驪顧主鳴艱難須上策容易卽  
前程斜日當軒蓋高風卷旆旌松悲天水冷沙亂雪山清和鹵猶懷惠防邊詎敢驚古來於異域鎮  
靜示專征燕薊奔封豕周秦觸駭鯨中原何慘黷餘孽尙縱橫箭入昭陽殿笳吟細柳營內人紅袖  
泣王子白衣行宸極妖星動圜陵殺氣平空餘金盃出無復總帷輕毀廟天飛雨焚宮火徹明罽罽  
朝共落榆桷夜同傾三月師逾整羣兇勢就烹瘡痍親接戰勇決冠垂成妙譽期元宰殊恩且列卿  
幾時廻節鉞勦力掃欃槍圭竇三千士雲梯七十城恥非齊說客甘似魯諸生通籍微班忝周行獨  
坐榮隨肩趨漏刻短髮寄簪纓徑欲依劉表還疑厭禰衡漸衰那此別忍淚獨含情廢邑狐狸語空

村虎豹爭人頻墜塗炭公豈忘精誠元帥調新律前軍壓舊京安邊仍扈從莫作後功名

送鮑中丞赴太原軍營

錢起

年壯才仍美時來道易行寵兼三獨任威肅貳師營將略過南仲天心寄北京雲旂臨塞色龍笛出關聲漢月隨霜去邊塵計日清漸知王事好文武用書生

送李九歸河北

前人

文武資人望謀猷簡聖情南州初臥鼓東土復維城寄重分符去威仍出閫行斗牛移八座日月送雙旌別戀瞻天起仁風應物生佇聞收組練鏘玉會承明

送王相公赴范陽

前人

翊聖銜恩重頻年按節行安危皆報國文武不緣名受賑仍調鼎爲霖更洗兵幕開丞相閣旗總貳師營料敵知無戰安邊示有征代雲橫馬首燕鴈拂笳聲去鎮關河靜歸看日月明欲知瞻戀切遲暮一書生

奉送戶部李郎中充晉國副節度出塞

前人

德佐調梅用忠輸擊國年子房推廟略漢主託兵權受命榮中禁分磨鎮左賢風生黑山道星下紫微天始願文經國俄看武定邊鬼方堯日遠幕府代雲連汗馬將行矣盧龍已肅然關防驅使節花月眷離筵自忝知音遇而今感義偏淚聞橫吹落心逐去旌懸帝念夔能政時須說濟川勞還應卽爾朝暮玉墀前

送王使君赴太原行營

前人

太白明無象皇威未戢戈諸侯持節鉞千里控山河漢驛雙旌度胡沙七騎過驚烽連鴈起牧馬入雲多不賣盧龍塞能消瀚海波須傳出師頌莫奏式微歌

送張中丞赴桂州

前人

出守求人瘼推賢動聖情紫臺初下詔皂蓋始專城寵借飛霜簡威加却月營雲衢降五馬林木引雙旌夙仰敦詩禮常聞偃甲兵戍樓雲外靜訟閣竹間清化佇還珠美心將片玉貞寇恂朝望重計日謁承明

秋日趨府上張大夫

司空曙

重城洞啟肅秋烟共說羊公在鎮年  
鼙鼓暗驚黃葉落旌旗遙拂鴈行偏  
石過橋下書曾受星降人間夢已傳  
謫吏何能沐風化空將歌頌拜車前

送李中丞赴商州

韓翃

五馬渭橋東連嘶逐曉風當年紫髯將  
他日黑頭公不異金吾寵兼齊玉帳雄  
閉營春雪下吹角暮山空香麝松陰裏  
寒猿黛色中郡齋多賞事好與故人同

寄哥舒僕射

前人

萬里長城家一生唯報國腰垂紫文綬  
手控黃金勒高視黑頭翁遙吞白騎賊  
先磨牙門將轉鬪黃河北帳下親兵皆  
少年錦衣承日繡行纏轡寶劍初出鞘  
宛轉角弓新上弦步人抽箭大如筍前  
把兩矛後雙戟左盤右射紅塵中鶻入  
鴉羣有誰敵殺將破軍白日餘回旆舞  
旆北風初郡公楯鼻好磨墨走馬爲君  
飛羽書

奉送浙西李僕射相公赴鎮

劉禹錫

建節東行是舊遊歡聲喜氣滿吳州  
郡人重得黃丞相童子爭迎郭細侯  
詔下初辭溫室樹夢中先

古今圖書集成  
到景陽樓自憐不識平津閣遙望旌旗汝水頭

送李尙書鎮滑州

前人

南徐報政入文昌東郡須才別建章視草名高同蜀客擁旄年少勝荀郎黃河一曲當城下緹騎千重照路傍自古相門還出相如今人望在巖廊

送裴相公上太原

王建

還攜堂印向并州將相兼權是武侯時難獨當天下事功成却進手中籌再三陳乞鑪烟裏前後封章玉案頭朱架早朝立劍戟綠槐殘雨看張油遙知塞鴈從今好直到漁陽已北愁邊鋪臂巡旗盡換山城候館壁重修千羣白刃兵迎節十對紅妝妓打毬聖主分明交臂去不須高起見京樓

送李僕射赴鎮鳳翔

張籍

由來勲業屬英雄兄弟連營列位同先入賊城擒首惡盡封筦庫讓元公旌幢獨繼家聲外竹帛新添國史中天子新收秦隴地故教移鎮古扶風

贈李中丞洪

僧皎然

深沈閫外權奕世當榮寄地裂大將軍家傳介珪瑞至今漳河俗猶受仁人賜公初鎮淮荆決勝無  
精兵重圍逼大敵六月守孤城政用仁恕立恩由賞罰明遂令麾下士感德不顧生於時聞王師諸  
將兵頗黷天子狩南漢煙塵滿函谷純臣獨耿介下士多反覆明公仗忠節一言威萬夫物性如疾  
蔡化作春蘭敷見說金被鑠終期玉有瑜移官萬里道君子情何如

奉寄行臺徐公次左轄相公韻

元趙孟頫

盡日沉迷簿領書何時重得賦閑居已無夢想懸金印豈有文章到石渠白髮故人霜柏在黃塵遊  
子斷蓬如舊遊意在吳興日自採谿毛膾白魚

送都元帥述律杰雲南開闢

靳榮

飄然白髮老書生橫槊哦詩萬里行蠻貊望塵無敵國朝廷賴汝作長城巫山落葉秋風起瀘水驚  
濤夕照明若到武侯祠下拜夢中應與細論兵

送董副樞鎮益都

陳肅

推轂選才雄分符寄總戎鑄簫驚海上旌節耀山東百將乘黃道三軍出絳宮營開知偃月陣轉識

偏風龍躍蓮花劍烏號棘竹弓旄頭天苑鑿斲齒地隅空奏凱青春外飛書白晝中誰當采金石願紀太平功

賜許廓巡撫河南

明宣宗

河南百州縣七郡所分治前歲農事缺旱澇始復繼衣食既無資民生曷由遂顧予位民上日夕懷憂愧爾有敦厚資其往勤撫字徙者必輯綏饑者必賑濟咨詢必周歷毋憚躬勞動虛文徒瑣碎所至皆實惠勉旃聲乃誠庶用副予意

送章右丞戍廣西

危素

文昌橋上紫騮嘶又送將軍戍廣西三省甲兵勞節制八蠻烟雨入封提琬弓曉射崖雲裂畫角寒吹海月低已喜皇威清海岱邑封上將拜金泥

送李使君鎮海昌

高啟

海風千里捲雙旌按轡初聞屬部清人雜島夷爭午市潮隨山雨入秋城鳴狐不近睢陽廟突騎猶屯廣利營肯掃帳中容我醉夜深燃燭臥談兵

送兵部尙書陳公出鎮交趾

曾棨

南交奏凱正論功  
司馬新承寵眷隆  
三受虎符參閭外  
兩持龍節鎮蠻中  
蕭何經國頻供餉  
裴度臨邊誓總戎  
却喜彝人歸版籍  
伏波銅柱謾爭雄

送唐都憲出鎮薊州諸關

李東陽

居庸東下接榆關  
千尺層城萬仞山  
秋有桑麻生事足  
夜無烽火戍樓閒  
帳前貔虎知嚴令  
歲晚風霜識壯顏  
略試一方經濟手  
歸來重補舊朝班

送彭總制之西川

何景明

江漢兵戈阻鄖陽  
節制移遙憐蜀父老  
再覩漢旌旗躍馬終難據  
窮猿本易追威名聊一借  
勲業況當時  
蜀道青天上岷山赤日西  
九重連授鉞萬里動征輦  
開府松山靜懸軍玉壘低  
知公安蜀計諸葛大名齊

寄周中丞備禦關口

唐順之

牙旗高建白羊東  
鼓角殷殷瀚海空  
雪後錦裘行塞外  
月明清嘯滿樓中  
幕南五部思歸義  
薊北諸

軍盡立功燕領書生人共羨一朝投筆去平戎

奉美南臺大夫福壽公

陳汝言

柏府高寒仰大臣南來秋氣肅蒼旻威行江漢風烟淨力挽山河雨露新虎帳城頭懸海月龍戈馬上掃邊塵他年太史書功績應是雲臺第一人

贈中丞江玉卿自鄖臺移鎮許昌

徐中行

鈞天一震洞庭陰虎觀崢嶸白雪林雲夢火明秋較獵蘭臺風起晝披襟浮湘司馬才名大開府羊公惠愛深獨有夜郎羈客在武漢烟雨自悲吟

聞張助甫開府寧夏寄贈

前人

青銅峽口古靈州黑水河穿紫塞流一夜羌人吹簫過千山明月總邊愁

送周中丞允文遷撫江西

王世貞

聞公移鎮古洪州童穉驚呼父老留一疏吳天迴菜色十年滄海捲鯨流江雲對擁中丞節山雨長飛帝子樓共道衰衣多佇望不知何地更東洲